



Comunicado di prensa

30 di januari 2026

Composicion nobo di e Colegionan di supervision financiero

Willemstad – Riba 30 di januari 2026, Consejo di Minister (di Reino) a bay di acuerdo cu e nombramento di prof. dr. Paul Hilbers como miembro nobo di e tres Colegionan, riba proposicion di Hulanda. Señor Hilbers ta sucesor di señor Hans Hoogervorst. Anteriormente, riba 31 di october 2025, Consejo di Minister (di Reino) a nombra drs. Hans Hoogervorst como Presidente di e tres Colegio di supervision financiero (Cft), como sucesor di Lidewijde Ongering, kende a ocupa e funcion di Presidente pa tres aña. Tanto Paul Hilbers como Hans Hoogervorst ta cuminsa den nan funcion nobo entrante prome di februari 2026.

Despues di a studia matematica na Rijksuniversiteit Utrecht y econometria y economia internacional na Vrije Universiteit Amsterdam, Paul Hilbers a desaroya un carera den sector financiero. Den e periodo ey, e tawata asocia pa hopi tempo na Nederlandsche Bank, entre otro como Director di Supervision di Politica y Director di Stabilidad Financiero.

Banda di esaki, Hilbers a desempeña varios funcion cerca Fondo Monetario Internacional (IMF) na Washington, mas recientemente como miembro di e Hunta Ehecutivo, un posicion cu el a ocupa te na final di 2024. E ta profesor emerito na Nyenrode Business Universiteit y e ta autor di numeroso publicacion nacional y internacional tocante di maneho macroeconomico, finanza gubernamental, supervision riba e sector financiero y relacionnan economico internacional.

Presidente saliente Lidewijde Ongering ta desea tanto Hans Hoogervorst como Paul Hilbers hopi exito den nan funcion nobo.

[Fin di comunicado di prensa]

Potretnan:

Cft y coleccion propio

Descripcion di potret:

Entrante prome di februari 2026, drs. Hans Hoogervorst ta Presidente nobo y prof. dr. Paul Hilbers ta miembro nobo di e Colegionan di supervision financiero riba proposicion di Hulanda.

Nota pa e redaccion – no publica

Persona di contacto di Cft:

Secretariado di Colegio di supervision financiero
Telefon +5999 461-9081/ +5999 461-9082 / +5999 461-9084
Coreo electronico info@cft.cw
Website www.cft.cw

Contactonan di prensa:

Jefka Alberto
Telefon +5999 512-6861